

Molao e le Tichere



SABATHA THAPAMA

Bakeng sa Thuto ea Beke ena Bala:

Deut. 6:5; Deut. 31:9–27; Baro. 3:19–23; Tsen.12:17; 14:12; Mareka6:25–27; Bahe. 5:8.

Temana ea Khopolo:

“Rata Jehova Morena Molimo oa hau, ka pelo ea hau eohle, le ka moea oa hao oohle, le ka matla a hau oohle” (Deuterenoma 6:5).

Ha a khalemela Bagalata khahlanong le ho nka ba boloko ke molao, Paulosi o ile a ngola: “Ha ho le joalo, na molao o hanana le lipallo tsa Molimo na? Le hanyenyane! Hobane molao o nehiloeng batho, hoja o ka tseba ho phelisa, ruri ho loka ho ne ho tla tsoa molaong” (Baga.3:21). Ehlile, haeba hona le molao o neng o ka fana ka bophelo, e ka be le molao oa Molimo. ‘Me taba ea Paulosi ke hore, ho rona baetsalibe, le molao oa Molimo o ka se re fe bophelo. Hobaneng? “Empa Lengolo le hlahletse batho bohle sebeng, hore pallo e tle e nehoe balumeli ka ho lumela ho Jesu Kreste” (Baga.3:22).

Leha ho le joalo, haebaa molao o ka se fe baetsalibe bophelo, sepheo sa oona ke sefe? Ha e se ho re bontša kamoo re hlokanang mohau kateng? Na see se bolela hore molao o sebetsa ha ho le hobe feela, o teng feela hore bontša libe tsa rona? Che; molao o boetse o teng ho re tataisetsa tseleng ea bophelo, bo fumanoang ho Jesu feela. Sena ke seo thuto ea 'nete e tlamehang ho ba sona, ho re lebisa tseleng ea bophelo, ea tumelo, ea mohau, le ea ho mamela Kreste. Ke ka hona bekeng ena re tlang ho ithuta karolo ea molao tabeng ena eohle ea thuto ea Bokreste. Ha re etsa joalo, ha re shebeng seo molao, leha o keke oa re pholosa, o ka re rutang sona ka tumelo, mohau, le ka lerato la Molimo oa rona bathong ba oeleng.

**Ithute Thuto ea Beke ena ho lokisetsa Sabatha sa, 17 Mphalane.*

Ho Rata le Ho Tšaba Molimo

Buka ea Deuterenoma e fupere mantsoe a Moshe a ho qetela pele ho moloko o mocha, oo eleng oona o tla kena lefatšeng la pallo. Empa pele ba kena, o na le mantsoe le litaelo tse hlakileng bakeng sa bona.

Bala Deuterenoma 31:9–13. Ho bolelang ho tšaba Molimo?

Molimo o ne a na le sepheo malebana le kamoo a fetiselitseng molao oa hae Iseraeleng. O entse matsapa ohle hore melao ea hae e se lebaloe. Ka mokhoa ona, Molimo ke tichere e nang le mamello. O oa ruta o oa pheta o romela baporofeta le ho sebelisa bahlanka ba hae ho fetisa molaetsa o hae. 'Me sena o se entse hangata feela. Ruri, na boholo ba Testamenta ea Khale ha bo bue ka Molimo ea sebeletsang ho ruta batho ba hae tsela ea bophelo?

Ela hloko kamoo Moshe a tobokelitseng bohlokoa ba hore meloko e tlang e ithute melao ena kateng litemaneng tsena. Moshe o ho hlalosa e le mothati o ntlha-li-peli. Taba ea pele, bana ba tla ithuta molao e be ba “ithuta ho tšaba Jehova Molimo oa hao” (Deut. 31:13).

Taba ea pele, b'a utloa, e be, ba ithuta ho tšaba Molimo. Ke hore, ho ithuta molao hore tšabo ha se ntho e tlang ho itlela fela-feela tjena. Mothati oa ho tšaba Molimo o tlameha ho ithutoa. Moshe o bontša ha tsebo le tšabo e le methati, eseng likamano tse itlelang hang-hang.

Hape, ho “tšaba Molimo” ho bolelang ha batho ba boetse ba bolelloa hore “u tla rata Morena Molimo oa hau ka pelo ea hau eohle, le ka moea oa hau oohle, le ka matla a hau oohle” (Deut. 6:5)? Mohlomong re ho bapisa le kamoo ngoana le ho tšaba ntate ea hlomphehang, ntate ea bontšang lerato ka hore o bolela seo a se buoang, o buoa seo a se bolelang. Ha u na le nate ea joalo, ha u etsa phoso, ka 'nete o khola litholoana tsa ketso eo. E, re ka mo rata, ebile re tlamehile ho rata le ho tšaba Molimo ka nako e le 'ngoe, ha re tseba ka Molimo haholo, re mo tšaba haholo, hobane re tla bona kamoo a halalelang le kamoo a lokileng kateng, le kamoo re leng baetsalibe re leng litšila kateng, le kamoo eleng ka mohau—molemo o sa re lokeleng—re sa timetsoeng.

U utloisisa e ka ho rata le ho tšaba Molimo ka nako e le 'ngoe o bolelang?

Paki Khanonong le Lona

Ha Moshe a elleloa hore o se a tla ichoella, o elleloa maemo ao a tla a siea hantle. O tseba hantle hore Baiseraele ba tla kena lefatšeng la Kanana. O boetse o oa tseba hore e tlabane marabele ha base ba fihlile lefatšeng leo ba keneng ho lona ka thata.

Bala Deuterenoma 31:14–27. Moshe o etsa litokiso life pele ho lefu la hae? Ngongoreho tse khoho tsa Moshe e ne le life, 'me o li rarolla joang?

Puo ea Moshe mona e tšoana le ea tichere ha e itokisetse ho fetoloa. E tseba hantle hore barutoana ba eona ba tsoile taolong botenng ba eona ka sehlopheng; ha e ithetse ka hore ba tla itšoara hantle ha e le sieo. O laela Balevi ba nkang areka ea selekane ho beha buka ea molao pela areka hore e be “paki.” Moshe ha se hore o mpa a fetisetse moralo oa thuto tichereng e ncha. O fetisa paki. Moshe o buoa ka buka ea molao joalokaha e ka ntho e phelang e nang le matla a ho khalema le ho fetola lipelo tsa batho.

Nahana ka molao e le “paki khahlanong le bona.” Taba ee re e utloisisa joang Testamenteng e Ncha? Sheba Baro. 3:19–23. Ke hore, molaong o re bontša bohloki ba rona ba mohau joang?

Ho Deuterenoma 31, Molimo o laela Moshe ho ngola pina eo Molimo a mo rutileng eona. Joale Moshe o lokela ho e ruta Baiseraele, joalokaha temana ea 19 e cho, hore “e be paki khahlanong le bana ba Iseraele.” Re boela re bona taelo ea Molimo e mothofatsoa mona. Ha pina e binoa, e arolelanoa habonolo ebile e ata kapele. 'Me ha pina e le paki, e na le bokhoni ba ho etsa hore batho ba ichebe e be ba bona seo e se chong ka bona.

Leha re sebeletsa ho ho mamela molao oa Molimo ka matla ohle oo re a fuoeng, ke ka tsela life molao oa hae o sebetsang e le “paki khahlanong le rona”? Paki ee e re rutang malebana le bohloki ba rona ba evangeli maphelong a rona?

Hore le Atlehe

Hohle ka Bileng, re utloa ka litholoana tsa ho tseba—le ho—mamela molao oa Molimo.

Bala Joshua 1:7, 8. Molimo o ne areng ho Joshua, 'me metheo e sebelisitsoeng moo e sebetsa ho rona joang kajeno?

Molimo o bolella Joshua ha a kena Kanana: “Feela u iphe matla, u etse ka senna haholo, u hlokomele ho etsa ka molao ooohle oo Moshe, mohlanka oa ka a u laetseng oona. U seke oa o kheloha ho ea ka ho le letona, leha e le ho le letšehali, u tle u atlehe kahohle moo u eang teng” (Josh. 1:7). Taba ea katleho e le litholoana tsa ho mamela Molimo e ka bnahala e sa nyallane le kamo lefatše le hlalosang katleho kateng kajeno. Ba bangata ba lumela hore letšoao la katleho ke boqapi, bonoono le ho itjara. Ho atleha mosebetsing o itseng hangata ho kenyetsa talenta e ikhethang le ho etsa ntho tse kotsi. Leha ho le jalo, mahlong a Molimo, katleho e hloka ntho tse fapaneng le tseo.

Bala Tsenolo 12:17, Tsenolo 14:12, Baroma 1:5, Baroma 16:26, Jakobo 2:10–12. Litemana tsee li reng ho rona kajeno, malebana le ho mamela molao oa Molimo? Ke hore, leha e ba re sa pholosee ka ho mamela molao oa Molimo, ke hobaneng ho le bohlokoa hore re o boloke?

Testamente ea Khale, Tetamente e Ncha, selekane sa Khale, selekane se secha—ha se moo taba eleng teng: joaloka Bakreste ba lumelang Bibeleng re biletša ho mamela molao oa Molimo. Ho tlola molao, ho tsejoang e le sebe, ho tlisa bohloko, tšotleho, le lefu la ka ho sa feleng. Ke mang ea e-so iponele kapa a ikoetlala ka boeena, litholoana tsa sebe, litla-morao tsa ho tlola molao oa Molimo? Hantle joalokaha Iseraele oa khale a ne a tla atleha h’a ka boloka molao oa Molimo (leha ba ne ntse ba hloka mohau hape-hape) le ho rona joalo kajeno. Ka hona, e le karolo ea thuto ea Bokreste, re lokela ho boloka molao oa Molimo e le khubu ea se boleloang ka ho phela ka tumelo le ho tšepa mohau oa Molimo.

Maiphihlelo ao u bileng le oona ka litholoana tsa sebe ke afe? Ke sefe seo u ithutileng sona seo u ka se arolelanang le ba bang hore, mohlomong, ba se etse phoso tse tšoanang?

Ho Fufuleloa Ha Baboloki ba Molao

Ho na le melemo e mengata e tlišoang ke ho boloka molao oa Molimmo, joalokaha ho bonahala hantle bathong bao a ba hlohonolofalitseng. Joshua o ile a latela molao oa Molimo hantle 'me o ile a etella pele sechaba sa Iseraele hantle. Nako le nako, Morena o ile a bolella Iseraele hore ebang e boloka molao, e tla atleha.

Bala 2 Likronike 31:20, 21. Mabaka a mabeli a maholo a entseng hore Esekiase a atlehe ke afe?

Ho sa natsoe hore na re ithutela kae, re tlameha ho toboketsa bohlokoa ba ho mamela. Leha ho le joalo, barutoana ba rona ha se lihole. Ho se hokae, ba tla elelloa 'nete e bohloko ea hore, batho ba bang b'a mamela, ba lerato, b'a tšepahala. Empa hole joalo — eng? Le bona ba oeloa ke koluoa. Re hlalosa taba ee joang? Taba ke hore, re ka se khone. Re phela lefatšeng la sebe, la bokhopo, lefatšeng leo ntoa e kholoa e kupang, 'me bohle re tla qaphaletsoa ke eona.

Ke sefe so litemana tse latelang li re rutang sona malebana le potso e kholo? Mareka6:25–27; Jobo 1, 2; 2 Bakor.11:23–29.

Ha ho potang, batho ba batle ba tšepahalag, ba bolokang molao, ha b'a ka ba lula ba atlehile, bonyane ho ea kamoo lefatše le kalang katlelo kateng. 'Me le mona, re ka nna ra fumana karolo ea karabo ea potso e thata ena, potso eo ho hlakileng hore ha re leka ho ruta bohlokoa ba ho boloka molao, re tlang ho e botsoa. Hantle re bolelang ka "ho atleha"? mopesalema o itseng? "ho lula mathuleng a ntlo ea Molimo oa ka ke ea ho rata ho fetisisa ho lula litenteng tsa bakhopo" (Lipes. 84:10). Ha ho potang hore, ho ea ka lefatše, le bona ba tšepahallang Molimo ba mo mamelang ha ba lule ba "atleha" bonyana ha ha joale. Re etsetsa barutoana

Bala Baheberu 11:13–16. Litemana tse li re thusa joang ho utloisisa hore na hobaneng ba tepahalang le bona ntse ba sotleha bophelong boo?

Jesu, Mohlala Oa Rona

Jesu Kreste, mora oa Molimo, o phetse bophelo ba motho ba ho mamela ho Ntate ho tsoileng matsoho, ho boloka molao oa Molimo ho senang sekoli. O entse sena eseng feela hore a nke sekheo sa rona feela, eleng seo a neng a le sona, empa le mohlala bakeng sa rona, eleng seo a neng a boetse a le sona.

Bala litemana tse latelang: Luka 2:51, 52; Bafil. 2:8; Bahe. 5:8; Johanne8:28, 29. Ke joang li re hopotsang ho mamela ha Kreste bophelong bohle ba hae?

Mohlomong Johanne o e behile hantle ha a re: “Ea boelang hore o lutse ho oona, e ka khona a tsamaee ka mokhoa oo le eena Jesu a tsamaileng ka oona” (1 Johanne2:6). Ha re tsepamisa mahlo a rona bophelong ba Kreste le bosebeletsing ba hae lefatšeng, ho bonolo ho bona kamoo a khotsofaliseng ntate ka ho mamela ha hae. Kreste o fetse a phetha boporofeta, ’me o ile a phahamisa molao oa Molimo bophelong ba hae. Joalokaha Molimo a boleletse Moshe ho ngola molao oa hae hore e be paki ho Iseraele, Kreste e bile paki e phelang ea ho barutuo ba hae, baapostola, baetsalibe le bahalaleli. Joale, ho e na le ho phela ka sehlopha sa melao e lokelang ho lateloa, re na le mohlala oa Jesu, motho oa nama le mali, hore re mo etsise. Re le litichere, ke mohlala ofe o betere ho feta oa kamoo Jesu a mametseng Ntate oo re ka o fang barutoana ba rona?

“Tumelo-’motoana ho Kreste e tlosang batho tšoanelong ea bona ea ho mamela Molimo ha se tumelo ho hang, empa khopolo-taba. ‘Le bolokehile ke mohau, ka tumelo.’ Empa ‘tumelo ha e se na mesebetsi e shoele.’ Baefese 2:8; Jakobo 2:17. Jesu pele a tla lefatšeng o ile a itjoetsa, ‘Ho etsa se ratoang ke uena, Molimo oa ka ke sona seo ke se rtang, molao oa hau o ngoliloe pelong eaka.’ Lipesaleme 40:8. Hape pele a nyolohela leholimong o ile a phatlalatsa, ‘Ke bolokile melao ea Ntate, ‘me ke lutse leratong la Hae.’ Johanne 15:10. Mangolo a re, ‘Moo re lemohang hore re tseba Molimo, ke ha re boloka litaelo tsa oona. . . . Ea boelang hore o lutse ho oona, e ka khona a tamee ka mokhoa oo le eena Jesu a tsamaileng ka oona.’ 1 Johanne2:3–6.”—Ellen G. White, *Katamelo ho Kreste*, leq. 61.

Ke sefe seo u ka se etsang ho ka latela mohlala oa Kreste betere likarolong tsohle tsa bphelo ba hau, hore u be tichere e betere le ho ba bang? Leha e le ntho’e kang kea khale, eo seng re e floaetse, ke hobang ha seo re se etsang—liketso tsa rona—li hoelehetsa ho feta seo re buoang?

Tsepamisa Maikutlo:

“Lerato, motheo oa tlholeho le topollo, ke motheo oa thuto ea ’nete. Sena se hlakisoa melaong eo Morena a re fileng eona e le tataiso ea bophelo. Molao oa pele o moholo ke ho ‘rata Morena Molimo oa hau ka pelo ea hau eohle, le ka moea oa hau oohle, le ka matla a hau oohle, le ka khopolo ea hau eohle.’ Luka 10:27. Ho mo rata, Molimo oa ka ho sa feleng, ea mong to! Ka matla a hau kaofela, le kelello, le pelo, ho bolela kholo e holimo-limo ea matla ana kaofela. Ho bolela hore botho kaofela— ’mele, pelo le moea, li tlameha ho khutlisetsoa bo tsoneng. “Ho joalo le ka molao oa bobeli— ‘Rata oa heno joalokaha u ithata.’ Mattheu 22:39. Molao oa lerato o hloka boinehelo ba ’mele, pelo le moea bosebelesting ba Molimo le batho ba habo rona. ’Me tšebelsetso ena, ha e re etsa re be tlhohonolofatso ho ba bang, e tliša mahlohonolo a khaphatsehlang ho rona. Ho se ichebe bo rona ke motheo oa kholo eohle ea ’nete. Ka bosebeletsi bo se nang bo rona, re ntlafala hona likarolong tsohle tsa roa. Ka hanyane ka ha nyane re re ba karolo ea tlhaho e halalelang. Re lokela leholimo, hobane re amohela leholimo ka lipelong tsa rona.”—Ellen G. White, *Education*, leq. 16.

Lipotso tsa Lipuisano:

1. Joaloka Iseraele ea khale, re lokela ho rata Molimo le ho tšaba Molimo ka nako e le ’ngoe (Matt. 22:37, Tsen.14:7). Ka sehlopheng, buisang ka kamoo re ka li etsang li le peli. Hape, arabela potso: hobaneng ha melao ee e ’meli e sa loantsane? n class, talk more about how we can do both. Also, answer the question: Why are these two commandments not in conflict with each other?
2. Phapang ke efe pakeng tsa ho qala khoro le ho etsa molao? Ho ea ka uena, na Masala a sebeletsa ho etsa likhoro tse maemong a holimo bakeng sa balateli ba oona kapa ho etseng melao e kopanyang ho kopanya litho tsa oona? Mangolo a reng ka ho betla khoro tse holimo bakeng sa rona? Malapa? Kereke?
3. Re leka-lekanya ho bontsa bohlokoa ba ho mamela molao oa Molimo, le, ka nako e tsoanang, ho bontsa kamoo ho mamela hona eseng mohloli oa tumelo ea rona kateng?
4. Bala Lipesaleme 119 u elehloko hore na ke ka makhetlo a makae taba ea ho mamela, tokoloho, melao, le litaelo li boleloang. Ke sefe seo sengoli sa Pesaleme ea 119 se batlang ho se fetisa ka ntho tsee?